

Isen trygg på Fjellandsbøvatnet

26.11.2010



No er det rundt rekna 15 centimeter tjukk is på Fjellandsbøvatnet. Det betyr at den ersvært trygg samstundes som det er varsla framleis kaldt ver. Difor er det grunn til å tru at det ligg an til ei stor utfartshelg. ved vatnet Tilhøva er innbydande, Sola skin framleis på området fram til 13-tida.

Tor Vidar Sæle var på vatnet og gjorde målingar tysdag og då var isen 8 centimeter tjukk. Han hadde auka med 4 centimeter sidan sist sundag sjølv om det ikkje var særleg kaldt i tidsrommet mellom dei to dagane.

Isen legg på seg 2-3 centimeter i døgnet sjølv om det ikkje er særleg kaldt. Men dei siste dagane har temperaturen øverst i dalen vore nede i rundt 10 og då har tjukkelsen truleg auka med 4 centimeter.

I dag tidleg var temperaturen på Friheim 12,4 medan den var 7,8 ved 20-tida i kveld. Like kaldt var det nede i sentrum.

Sæle seier at tilhøva no ligg svært godt tilrette for ein vellukka skeisetur fordi isen i år er jamnare enn på fleire år.

Men som alltid før er det grunn til å gjera klart at ein må halda seg vekk frå områder der det renn ut eller kjem inn vatn.

Biletet: Så innbydande er isen i ettermiddag.

Tekst og foto: Ola Matti Mathisen